

最新  
初等小學女子國文教科書  
第六冊

初等女子國文教科書 第六冊

目次

第一課

人類之貴

第二課

秋季

第三課

全體略說

第四課

天河

第五課

中元節

第六課

裁衣之法

第七課

鴉片毒

第八課

英女王維多利亞

第九課

釋鬼神

第十課

勸姊妹惜物書

第十一課

恒星行星衛星之別

第十二課

日蝕

第十三課

月蝕

第十四課

人影

第十五課

煙草之害

第十六課

酒之害

第十七課

樂羊之妻

第十八課

香花

第十九課

釋陰陽

第二十課

妹答姊書

第二十一課

彗星

第二十二課

路衣慈

第二十三課

火山

第二十四課

釋熱

第二十五課

衣服

第二十六課

回聲之誤

第二十七課

釋聲

第二十八課

蝙蝠

第二十九課

動物分類

第三十課

稟母令妹就學書

第三十一課

冬季

第三十二課

流星

第三十三課

海陸

第三十四課

回光

第三十五課

折光

第三十六課

經營家政

第三十七課

孟光

第三十八課

中西女妝

第三十九課

畫學

第四十課

勉弟勤學書

第四十一課

水之循環

第四十二課

潮汐

第四十三課

養成習慣

第四十四課

處置家具

第四十五課

孝養翁姑

第四十六課

鄭義宗妻

第四十七課

戒妄想

第四十八課

神經病

第四十九課

狐怪之妄

第五十課

勸嫂求醫書

第五十一課

釋冰

第五十二課

寒暑表

第五十三課

釋夢

第五十四課

犬之智

第五十五課

睦妯娌

第五十六課

鍾禮郝法

第五十七課

嫂答姑書

第五十八課

除夕

第五十九課

大考

第六十課

年假休業歌

初等女子國文教科書 第六冊

第一課 人類之貴

萬物之中人為貴。此言人人知之。然其所以貴之理。人多有未知者。人之形體略如他動物。然能直立而行。已非獸類所可比。至於腦力心靈。能創新法。能別是非。知禮義廉恥之道。孝弟忠信之行。獅象虎豹。人能以術勝之。牛馬犬貓。人能以智役之。即如天之高。星辰之遠。人能用以作



航海之嚮導。驗時之儀器。此豈他物之所能及哉。  
女子為衆人之母。母體強。則人種強。母性智。則人種  
智。更宜自知其高貴矣。  
問人之形體。何以非獸類可比。  
問女子何以高貴。

第二課 秋季


秋居夏之後。七月為孟秋。八月為中秋。九月為季秋。  
秋氣涼爽。草木零落。北雁南飛。蟲聲唧唧。秋亦  
有六節。立秋處暑。為七月節。白露秋分。為八月節。寒

露霜降。為九月節。地繞日之道為黃道。即吾人所  
視為日繞地之道也。地球日夜自轉一週。其對日之  
道為赤道。日至黃赤二道交點。則晝夜分平。在春時  
為春分。在秋時為秋分。惟北半球之秋分時。南半球  
方花木競放。春意盎然也。  
問秋季幾節。問北半球之秋分時。南半球氣候  
若何。

### 第三課 全體略說

人之身體。以骨為架。以筋連之。以肉與皮包之。全身

分為三大部。曰頭部。曰幹部。曰肢部。頭為腦所居。耳目口鼻在焉。心肝胃肺大小腸之屬。則在幹部。二手二足。是為肢部。至若消食運血。呼吸澁溺。此四要事。皆關於性命。必不可少者也。皮以護身。皮膜有孔。汗之所從出也。身體苟不清潔。汗孔一閉。便生疾病。孝經云。身體髮膚。受之父母。不敢毀傷。孝之至也。養性者。當三復斯言。



問全體分幾部

問關於性命者有何四要

第四課 天河

秋夜清涼。師生同坐庭中。仰觀天空。見有白光如雲。橫互於南北。師問諸女生曰。此名何物。一女曰。此名天河。師曰。汝等知天河為何物。一女曰。書中曾說天河為小星。然不知其實也。師乃出遠鏡一具。令諸生觀之。見衆星簇聚粒粒可數。女生問師曰。何



星之多也。師曰。此種小恆星。非密聚成堆。乃星外有星。其相距之度。有至數百萬里者。因距地極遠。故望之似在一處耳。

問。天河何以知其為小星。

問。此小星相離有幾何遠。

第五課 中元節

七月十五日。為中元節。佛家以目蓮救母之說。設盂蘭勝會。今世俗於是日先後。凡都會市鎮之處。多附會其事而踵行之。演種種餓鬼之情狀。以惑於世。甚

無謂也。無識婦女平日一錢如命者。於此日各出香資布施僧道。以有用之資財。飽無賴之囊橐。是誠何心哉。不然則多購紙錢紙錠。從而焚燒之名曰給孤魂。嗚呼。吾不知彼所謂孤魂者。究在何所。孰見之而孰聞之乎。

問世上果有餓鬼否。問孤魂在於何處。

### 第六課 裁衣之法

裁衣之法。實無他難。須先熟習積方算式。度其布幅之闊狹。從而施翦焉。學者先就尋常通用之布足。

學大裁小裁諸法。及手法練熟。而後再學大幅中幅。皺縮等物。細算其面積。而運以巧思。凡遇綳縮之物。必先攤放平正。以手屢拊之。使之平勻。然後量其丈尺。若所算不準。一誤落翦。則便無可如何矣。裁衣之難易。雖由衣服之種類。然亦視其材料之如何。蓋紡綳布等物。實難於棉布也。問裁衣須先明何種算法。問皺縮之物。先須用何法。而後量之。



第七課 鴉片毒

鴉片毒。誤中國。使我同胞入黑獄。肩為聳。頸為縮。俾  
畫作夜壽命促。男子吸之成廢物。女子吸之更敗俗。  
自從印度遠輸來。破我禁令爭戰開。兵力通商失國  
勢。治外法權難收回。海關一旦弛煙禁。鴉毒徧地人  
喜飲。國無教育民無心。禍根蔓延誰之任。市肆燈館  
徧林立。妖氛紛紜任噓吸。費時失業不足論。痛我同  
胞無人色。官收稅民受殃。捐燈捐膏并捐漿。奉勸世  
人莫尋死。力除此毒謀自強。

問吸鴉片之害若何。問女子可吃鴉片煙否。

第八課 英女王維多利亞

英女維多利亞。威廉第四之姪也。威廉薨。女王以次當承襲。時王年僅十八。威廉王后令使者至報王薨。君主乃作書慰王后。書面書呈英國女王。使者曰。陛下王矣。國無二王。君主曰。非爾所知也。余以羣從承襲。大行在殯。若即自加尊號。將何以慰王后之心。



先是威廉在時。懷